



Aqqalu C. Jerimiassen
Atassut

UKA 2021/67-68-69-70/1
14. oktober 2021

Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allanngortinnejarnissaanik, taamaasillutik kaffinnut akitsuutit eqqartorneqartoq § 1, nr. 11 atorunnaarsillugu.

Inatsisartunut isummerfigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allanngortinnejarnissaanik, taamaasillutik tiinut akitsuut eqqartorneqartoq § 1, nr. 11 atorunnaarsillugu.

Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allanngortinnejarnissaanik, taamaasillutik neqinut akitsuut eqqartorneqartoq § 1, nr. 13-17 atorunnaarsillugu.

Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaata allanngortinnejarnissaanik, taamaasillutik sukkunut, lakridsinut sukkulaatinut il.il. akitsuutit atuutilersinneqartup § 1, nr. 1-2, Inatsisartut inatsisaanni nr. 23 18. november 2019, atorunnaarsinneqassasut.

(Inatsisartunut ilaasortaq Jens-Frederik Nielsen, Demokraatit)

Araba kaffisuataalaariarluni Medova tiitoraanni ullup ingerlanerani nagguteeqqanut kinillattaallugu, taamaaseriarlunilu pølsit aappaluttunik qaqortulialerlugu nerereeraanni kinguleqqilaarniarluni kaageeqqalliuku Fig Rollsit ammaraanni Araba Kaffilu najullattaaqqilaarlugu. Ila Kalaaliunerusoqarunannilaq assilissami (stereotype).

Ajunngilaq, tassunga sangutippallaarnangu imannak Atassummiit oqaaseqaateqassaagut ukununnga siunnersuutinut.

Aap, isuma paasinarpoq. Inuuniarneq nunatsinni akikinnerusariaqarpoq, ilaana oqariartuut isumaqtigaarput.

Akit ukiorpassuarni qaffatsikkiartuaarsimancerat malunnaatilissuarmik ingerlarsorsimavoq, malunnaateqarpiangitsumik qaffaalaartarnerit ukiorpassuarni ingerlarsorsimapput, allaallumi maanna akit pavungarujussuaq killitsittalerlugin.

Malunnaateqanngitsuusaartinnejartarpooq ukiumiik ukiumut 1 koruunkaarlugit qaffaalaartuarneq kisitsisit AIS-imi inernerusussat kusassalaarniarlugit, soorluttaarmi maanna



siunnersuuteqartuuusut 2019-imi AIS2020 suliarinerani
peqqinnerulernissarpunngooq piniarlugu peqqinnanngitsunut tungusunnitsunullu
akitsuutip qaffannissaanut atsioqataagamik. Nalunngilarpullu taamani innuttaasut
qanoq qisuarichernersuttaaq.

Aajunalu taamani Atassummiit uteqattaartuagarput, akitsorterinkkut toqqorterinkkullu inuiaqatigiit
peqqinnerulersinnejarunnanngillat. Illuanilli akitsorteriuarnikkut atuineq nikippiarani inuit kaasarfii
imakinneruliinnartussaapput.

Taanna tusaaneqarsimasinnaagaluarpoq siornaalli, aatsaat pissaanermik
tigumminneqataajunnaareernermermi kukkussuteqarsimanermik oqariartorluni
iluarsiniarsarilernerminngaanniit.

Aajunali qujanarnerpaasoq, kukkusimaneq nassuerutigineqarpoq, nassuersinnaanermi tassaammat
tamani pingarnerpaasortaaq. Kukkusimaneq nassuerutiginaversaarlugu
mannertitaarusaaginnartuartarnerummi inuiaqatigiittuttaaq ingerlanermut sunnertuartarmagu.

Atassummiit oqaatigiuartagarput tassaajuartarportaaq; aningaasarsiat qaffatsitiinnarnerat kisiat
piunnaamilaarlugu aningaasalli pisissutigineqarsinnaanissaa qaffassarneqartariaqarpoq.

Akissarsianimmi annikeqisumik ukiorpaat ingerlaneranni qaaffalaartarsimaneq nioqququtissat
akitsoriartornerannittaqaq malitseqartuartarsimammatt, taamaattumillu aningaasap
pisissutigineqarsinnaasup nalinga malinnaajunnaareertarluni ullup aappaani.

Siunertaq uani eqqarsaatigineqartoq ajoriinnagassaanngilaq, tassami oqareernitsiut akinik
qaffaasaqattaarujoorluni ukiumiik ukiumut, kiisa kaffit poortat sisamat akikillisaatillutik 100kr-
eqartarsimasut, maanna poortat marluk taamatorluinnaq akeqartaleqqammata.

Taamaattorli uani isuma ataaseq mininneqartoq maqaasilaarparput. Inumerngit / Kalaalimerngit
ullutsinni akisoqaat, inuullu nammineq pilisinnaajunnaarsimasup sumik peqquteqaraluuarnerluni
mattamininnguamik allattuulluunniit inalugannguinik pissarsiniarsinnaanera
ajornakusooqqajaasinnaasarloq qanigisaminik ilaquaqangikkuni pajussinnaasumik.

Aap, pajuttorneq kalaallit pissusinnaaraat, taannali uani eqqartussanngilara, allamiippoq taanna
eqqartugaq.

Kalaaliaqqamulli pisiniartariaqarneri neqit nerpiilluunniit illinnalaarsinnaasut pisiariniarnerani aali
akitsuuteqaratik qupinnguallannangajaannarsinnaasumik akeqarsinnaasarpot.

Illuani eqqussukkanik akikillisaasinnaanermik siunnersuuteqassagaanni, eqqaamaqqunarpotaaq
nunaqqaterpassuatta mamarisaat ulluinnarsiutigerusuttaraluagaallu arlaatiguttaaq
iliuuseqarfigineqarsinnaanerannut eqqarsaasersummik peqarsinnaagaanni.

Pilersaarusiukkamik aningaasarsiornermut (planøkonomi) saatippallaanngikaluarlugu,
niuererpalaartumilli aningaasarsiornermut sangutikkaanni nunatta pissaritaanut
pisisinnaassutsittaaq qaffassarneqarsinnaanera plusinnaavoq.

Uanilu siunnersuummi ilaatigut isumaqatiginartortaa unaavoq; nioqququtissat ulluinnarni
pisiarilluartakkagut, soorlu kaffit akikillisaavigineqarnerisigut, allallu nioqquterpassuit akiisa
apparsartuarneratigut pisissutissap qaffassarneqarsinnaanera angulluarneqariartulersinnaammat,



aninggaasarsiaqarnikkut qaffaraaminertarnerit ullutsinni akit qaffakkiartornerinut malinnaanngitsut ilanngaatitigullu nipittartulersuinerit aqqusaaqqaanngikkaluarlugit.

Akitsuuterarpassuimmi maanna piusorpassuit atuuttuartillugit suna tamarmi akisujuassaaq, namminersortullu kaaviaartitassaraluannut allaffisornermullu pisarissersuutaajuassallutik.

Ilaatigullunniimmik eqqarsarnaqqajaasinnaasarpoq, suna tamaat akitsuuterarpassuarnik ulikkaarsimasoq nunguteriarlugu ataasikullammik qallunaat nunaanni momositut ittumik eqqussiinnarsinnaaneq, tassuunakkullu akitsuuterarpassuit naqinnernik mikisunik ikkussuunneqarsimasorpassuit niaqorluutissaajunnarsinnaammata.

Oqanngilagulli pisariaqartoq, assersuusiornerinnaavoq.

Aningaasarmi illuaniit illuanut nooqattaaginnarlugu maanna systemikkut immitsinnut annertuumik naallerarpugut. Assersuutit uani atorneqarsinnaalluarpoq, biilisilluta eqqunneqarnerinut annertuupilussuarmik akitsuusiiffigineqartarpugut, nunanilu allani ussassaarutit nittartakkani takujuartartillugit ilaatigut eqqarsarnartaqaaq; sooq taama maani akisunerutigisariaqarpat? Eqqunneqarnerinut qaavatigut annertungaartumik oqimaalutserneqariarluta motorillit akitsuutaannut akiliisarnigut annikigisassaanngeqaat, ingasammik sinerissami inoqarfanni minnerumaani aqquserngit qanoq ajortignerittaq qiviassagaanni.

Akitsuusersueriaaseq nunatsinni tamakkiisumik nalilersorneqartariaqarpoq, nioqqutissanut ataasiakkaanut sammitippallaanngikkaluarlugu assiliarli ilivitsoq isigalugu suliassaavoq annertooq.

Nioqqutissat akii tamaasa ataatsimut isigissagaanni, assersuusioqqilaaraanni meeraagallarninni nioqqutit suuneri takorloorneqakannersinnaapput.

Taamani angerlarsimaffitsinni angajoqqaamma pisiaanik nioqqutissanik akikitsunik meqqilerneqarsimasunik (discountmærke) takunngisaannarpunga, illuanilli nioqqutit pitsaanerusut kisimik takussaasimapput.

Ajoraluartumilli ullutsinni nioqqutissat akisunerujussui peqqutigalugit sipaarerusinnaajumalluta pisiniarfissuit angisuut akikitsunik meqqiliaannik, assersuut: Firstprice, Rema1000, Xtra pisiarisariaqartarternikuagut, naak nalunngikkaluarlugu akuutissat akui ilaatigut peqqinnarnerpaaffiminiinngikkaluartut, allanulli akissaqalaarsinnaanialrluta taakkua toqqartariaqartuartarpagut.

Taamatut oqaaseqarluta Atassummiit siunnersuut Aningaasaqarnermut ataatsimiitsitaliamut innersuupparput